

## Communicaziun allas medias

### Exposiziun cun ideas architectonicas per Ilanz/Glion

Gia varga vegn semesters sefatschenta Gion A. Caminada da Vrin ensemen cun students d'architectura dalla scola politecnica federala Turitg sut il tetel "crear loghens" cun damondas da spazi ellas muntognas.

Ils treis semesters vargai han els analisau spazis ella vischnaunca Ilanz/Glion. Ordlunder ein resultai projects per in liug pil mistregn en ina braha industriala agl ur da Glion, ina punt nova sul Rein, in quartier a Castrisch, veta nova ella Migros veglia ni in auter liug da sentupada per la vischnaunca nova alla confluenza da Rein e Glogn.

Las lavurs da students e studentas porschan ina vesta frestga ed independenta sin quels loghens. Ed ellas furneschan in bi matg dad ideas ed impuls per la discussiun davart il svilup dad Ilanz/Glion e siu spazi public. Ils 22 e 23 d'october 2021 ein las lavurs exponidas publicamein ella halla da gimnastica sigl areal da scola a Glion (venderdis dallas 16.00 tochen las 20.00, sonda dallas 9.00 tochen las 16.00, ei vala igl obligatori da mascra). Sonda, ils 23 d'october 2021 ha liug dallas 10.00 in discuors cun hosps. Gion A. Caminada discutescha cun Tarcisi Cavigelli, Franca Strasser, Jürg Schmid, Marianne Fischbacher, Christian Aubry e Carmelia Maissen. Per il discuors vala igl obligatori da certificat.

*Ilanz/Glion, ils 15 d'october 2021*

*Vischnaunca Ilanz/Glion*

## Medienmitteilung

### Ausstellung mit Entwürfen und Ideen für Ilanz/Glion

Bereits in über zwanzig Semestern hat der Vriner Professor Gion A. Caminada mit Architekturstudierenden der ETH Zürich unter dem Titel "Orte schaffen" eine Aufgabenstellung im Berggebiet bearbeitet.

In den vergangenen drei Semestern haben sie für die Gemeinde Ilanz/Glion Räume analysiert. Entstanden sind Projektideen für ein Ort des Handwerks in einer Industriebrache am Rand von Ilanz, eine neue Brücke über den Rhein, ein Wohnquartier in Castrisch, neues Leben in der ehemaligen Migros und einen anderen Begegnungsort der neuen Grossgemeinde am Zusammenfluss von Rhein und Glenner.

Die Arbeiten der Studierenden offerieren einen frischen, unvoreingenommenen Blick auf diese Orte. Und sie liefern einen reichen Strauss an Anregungen für die Diskussion über die Entwicklung der Gemeinde und ihren öffentlichen Raum. Am 22. und 23. Oktober 2021 sind die Projekte in der Turnhalle in Ilanz öffentlich ausgestellt (Freitag 16.00 bis 20.00 Uhr, Samstag 9.00 bis 16.00 Uhr, es gilt die Maskenpflicht). Am Samstag, dem 23. Oktober 2021, findet um 10.00 Uhr ein öffentliches Gespräch mit Gästen statt. Gion A. Caminada diskutiert mit Tarcisi Cavigelli, Franca Strasser, Jürg Schmid, Marianne Fischbacher, Christian Aubry und Carmelia Maissen. Für das Gespräch gilt die Zertifikatspflicht.

*Ilanz/Glion, den 15. Oktober 2021*

*Gemeinde Ilanz/Glion*